

अमुं तैः । अनवरुद्धो वा एतस्य संवत्सर इत्याहुः ।
 य इत इतश्चातुर्मास्यानि संवत्सरं प्रयुङ्क्त इति । एता-
 वान्वै संवत्सरः । यच्चातुर्मास्यानि । यदेते चातुर्मास्याः
 पशव आलभ्यन्ते । पृत्यक्षमेव तैः संवत्सरं यजमानो
 ऽवरुन्धे । विवा एष पूजया पशुभिर्ऋध्यते । यः संव-
 त्सरं प्रयुङ्क्ते । संवत्सरः सुवर्गो लोकः ॥ २ ॥

सुवर्गं तु लोकं नापराधोति । पूजा वै पशव एका-
 दशिनी । यदेत ऐकादशिनाः पशव आलभ्यन्ते । सा-
 क्षादेव पूजां पशून् यजमानोऽवरुन्धे । पूजापतिर्विरा-
 जमसृजत । सा सृष्टाश्चमेधं प्राविशत् । तां दशिभिर-
 नु प्रायुङ्क्त । तामामोत् । तामात्मा दशिभिरवारुन्ध ।
 यह्शिने आलभ्यन्ते ॥ ३ ॥

विराजमेव तैरात्मा यजमानोऽवरुन्धे । एकादश
 दश त आलभ्यन्ते । एकादशाक्षरा त्रिष्टुप् । त्रैष्टुभाः
 पशवः । पशून्नेवावरुन्धे । वैश्वदेवो वा अश्वः । नाना-
 देवत्याः पशवो भवन्ति । अश्वस्य सर्वत्वाय । नाना-
 रूपा भवन्ति । तस्मान्नानारूपाः पशवः ॥ बहु-
 रूपा भवन्ति । तस्माद्बहुरूपाः पशवः समृध्यै ॥